

欽定四庫全書

蘭亭考卷一

宋 桑世昌 撰

蘭亭

按通典曰蘭亭山陰漢舊縣亭王羲之曲水序於此作  
唐郡國志曰山陰有王逸少蘭亭元和郡國志曰蘭亭  
山在越州西南二十里十道志曰越州蘭亭王逸少會  
處越絕書蘭亭在山陰越王種蘭處三朝國史曰越州

釋楔

風俗通曰周禮女巫掌歲時以祓除疾病禳者潔也尚  
書厥民析言人解析也蔡邕曰論語浴乎沂禋出於此  
顏延年曲水詩序周翰注曰鄭國之俗三月上巳於溱  
洧兩水之上執蘭招魂祓除不祥上巳即三日也翰所  
欽定四庫全書

注引韓詩也李善注曰女巫掌祓除疾病禳者潔也已  
者社也王融序注

漢書太后春辛蠶館率皇后列侯夫人桑遵濡人而祓  
除續禮儀志曰三月上巳官民一作官人皆禋於東流上自  
濯洗祓除宿垢為太潔五行志高后八年三月祓霸上  
師古曰祓除惡之祭也列傳武帝即位無子平陽公主  
求良家女飾置帝祓霸上而遇焉應劭注云祓除於水  
上已禋也又衛皇后傳帝祓霸上孟康曰祓除也於霸

定庫書  
欽四全

蘭亭考

宋·桑世昌 撰  
高似孫刪定

# 蘭亭考

中國書局

圖書在版編目 ( C I P ) 數據

蘭亭考 / (宋) 桑世昌撰 ; 高似孫刪定. — 北京 :  
中國書店, 2018.8  
ISBN 978-7-5149-2053-6

I. ①蘭… II. ①桑… ②高… III. ①《蘭亭序》-  
研究 IV. ①J292.112.3

中國版本圖書館CIP數據核字(2018)第080088號

四庫全書·目錄類

蘭亭考

作者 宋·桑世昌 撰

高似孫刪定

出版發行 中國書店

北京市西城區琉璃廠東街一一五號

一〇〇〇五〇

山東汶上新華印刷有限公司

730毫米×1130毫米 1/16

18.75

二〇一八年八月第一版第一次印刷

ISBN 978-7-5149-2053-6

定價 六八元



詳校官主事臣石鴻翥

臣紀昀覆勘

# 蘭亭卷

卷之六

欽定四庫全書

史部十四

蘭亭考

目錄類 金石之屬

提要

臣等謹案蘭亭考十二卷宋桑世昌編輯世昌字澤卿淮海人世居天台陸游之甥也博雅能詩著有回文類聚慕菴詩集此書始名博議原十五卷高文虎序之後文虎之子似孫又為刪改去其集字附見二篇集字者後

人集蘭亭帖字以為文附見者羲之各種書蹟也似孫削之論者或以為非然著作之體自有斷限集字無與於羲之附見無與於蘭亭似孫所削其識過世昌遠矣乾隆四十九年三月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

蘭亭考卷一

宋 桑世昌 撰

蘭亭

按通典曰蘭亭山陰漢舊縣亭王羲之曲水序於此作  
唐郡國志曰山陰有王逸少蘭亭元和郡國志曰蘭亭  
山在越州西南二十里卜道志曰越州蘭亭王逸少會  
處越絕書蘭亭在山陰越王種蘭處三朝國史曰越州

山陰有蘭渚鑑湖會稽志曰蘭渚在縣南西二十五里  
舊經云山陰縣西有亭王右軍所置曲水賦詩作序於  
此水經曰浙江東與蘭溪合湖南有天柱山湖口有亭  
號蘭亭亦曰蘭上里太守王羲之謝石兄弟數往造焉  
吳郡太守謝勗封蘭亭侯王廙之移亭在水中晉司馬  
何無忌之臨郡也起亭於山椒極高盡眺亭宇雖壞基  
陛尚存

蘭亭修禊序

晉人謂之臨河序唐人稱蘭亭詩序或言蘭亭記  
歐公云修禊序蔡君謨云曲水序東坡云蘭亭文  
山谷云禊飲叙道古今雅俗所稱俱云  
蘭亭至高宗皇帝所御宸翰題曰禊帖

永和九年歲在癸丑暮春之初會於會稽山陰之蘭亭

修禊事也羣賢畢至少長咸集此地有崇山峻嶺茂林

修竹又有清流激湍映帶左右引以為流觴曲水列坐

其次雖無絲竹管弦之盛一觴一詠亦足以暢叙幽情

是日也天朗氣清惠風和暢仰觀宇宙之大俯察品類之

盛所以遊目騁懷足以極視聽之娛信可樂也夫人之

相與俯仰一世或取諸懷抱晤言一室之內或內寄所  
托放浪形骸之外雖趣舍萬殊靜躁不同當其欣於所  
遇暫得於已快然自足不知老之將至及其所之既倦  
情隨事遷感慨係之矣向之所欣俛仰之間以為陳迹  
猶不能不以之興懷況修短隨化終期於盡古人云死  
生亦大矣豈不痛哉每攬昔人興感之由若合一契未  
嘗不臨文嗟悼不能喻之於懷固知一死生為虛誕齊  
彭殤為妄作後之視今亦由今之視昔悲夫故列叙時

人錄其所述雖世殊事異所以興懷其致一也後之覽者亦將有感于斯文

詩

右將軍會稽內史王羲之

代謝鱗次忽焉以周欣此暮春和氣載柔詠彼舞雩異世同流乃携齊契散懷一丘

仰眺碧天際俯瞰綠水濱寥朗無涯觀寓目理自陳大矣造化功萬殊靡不均羣籟雖參差適我無非親

御府本及

陸東之本作隣又作  
新篇首又多二句

司徒謝安

一云琅  
琊王云

伊昔先子有懷春遊契茲言執寄傲林丘森森連嶺茫  
茫原疇迥霄垂霧凝泉散流  
相與欣嘉節率爾同褰裳薄雲羅物景微風扇輕航醇  
醪陶玄府兀若遊羲唐萬殊混一象安復覺彭殤

司馬左西屬謝萬

肆眺崇阿寓目高林青蘿翳岫修竹冠岑谷流清響條

鼓鳴音玄萼吐潤飛霧成陰

玄冥卷陰旆勾芒舒陽旌靈液披九區光風扇鮮榮碧  
林輝雜英紅葩擢新莖翔禽無汗遠騰鱗躍清泠

右司馬孫綽

春詠登臺亦有臨流懷彼伐木肅此良儔修竹陰沼旋  
瀨縈丘穿池激湍連汎觴舟

流風拂枉渚亭雲蔭九臯嬰羽吟修竹游鱗戲蘭濤雋  
筆落雲藻微言剖纖毫時珍豈不甘忘味在聞韶

行參軍徐豐之

俯揮素波仰掇芳蘭尚想嘉客希風永嘆

清響凝絲竹班荆對綺䟽零觴飛曲津歡然朱顏舒

前餘姚令孫統

茫茫大造萬物齊軌罔悟玄同競異標旨平勃運謨黃

綺隱凡我仰希期山期水

地主觀山水仰尋幽人踪迴沼激中逵踈竹間修桐因  
流轉輕觴冷風飄落松時禽吟長澗萬籟吹連峯

前永興令王彬之

丹崖竦立葩藻映林綠水揚波再浮再沉  
鮮葩映林薄遊鱗戲清渠臨軒欣投釣得意豈在魚

王凝之

莊浪濤津巢步

一作安

頴湄冥心玄寄千載同歸

烟煴柔風扇熙怡和氣淳駕言興時遊逍遙映通津

王肅之

在昔暇日味存林嶺今我斯遊神怡心靜

嘉會欣時遊豁朗暢心神吟咏曲水瀨綠波轉素鱗

王徽之

散懷山水蕭然忘机秀薄粲頽踈松籠崖遊羽扇霄鱗  
躍清池歸日寄歎心冥二奇

先師有冥藏安用羈世羅未若保冲真齊契箕山阿

陳郡袁嶠之

人亦有言意得則歡嘉賓既臻相與遊盤微音迭詠馥  
馬若蘭苟齊一致遐想揭竿

四眺華林茂俯仰清川煥

一作  
煥

激泉流芳醪豁爾累心

散遐想逸民軌遺音良可玩古人詠舞雩今也同斯嘆

已上十一人各成四言五言詩一首

散騎常侍郗曇

溫風起東谷和氣振柔條端坐興遠想薄言遊近郊

前參軍王豐之

肆盼岩岫臨泉濯趾感興魚鳥安茲幽峙

前上虞令華茂